

Sakspapir

Saksbehandler	Arkiv	ArkivsakID
Magne Verpelstad	FA-C22	23/189

Saksnr	Utvalg	Type	Dato
040/2023	Kommunestyret	PS	07.09.2023

Prosjekt "Turveg til Olav Nygard Bu" - forskottering av midlar

Forslag til vedtak:

Det vert løyvd kr 300 000 til forskottering av utgifter til trinn 1 i prosjektet «Turveg til Olav Nygard Bu», finansiert med bruk av fondskonto 251080002/251080030. Midlane tilbakeføres ved mottak av eksterne tilskotsmidlar.

Saksopplysningar:

Bakgrunn

I investeringsbudsjettet for 2023 er det løyvd kr 250 000 til turvegar. I sak 034/2023 er det gjort vedtak om at løyvinga vert overført til idrettslaget og skal nyttast til prosjekt «Turveg til Olav Nygard Bu». Idrettslaget er prosjektansvarleg i arbeidet med oppgradering av turvegen til dagsturhytta.

Første trinn i prosjektet har medført auka utgift utover løyvinga på kr 250 000. Dette er planlagt finansiert av tilskotsmidlar. Det er/vil verte søkt om tilskot frå fleire aktuelle gjevarar. Dette er spelemidlar, tilskot frå fylkeskommunen, Olav Thon Stiftelsen, ulike tilskotsmidlar frå Sparebanken Vest samt Rieberfondene. Det tar noko tid å få avklart om, og kor mykje tilskotsmidlar ein kan få, samt kor tid det evt kan utbetalast.

Vurdering

I påvente av tilskotsmidlar er det behov for å forskottere midlar, altså ein mellombels finansiering. Endeleg kostnad for arbeidet med legging av stein er ikkje klart enno, men det er førebels lagt til grunn eit behov på kr 300 000 utover løyvinga på kr 250 000. Dette inkluderer òg utgift til helikopter. Det vert vurdert at dette kan finansierast ved bruk av fondsmidlar på kto 251080002 Fond for ferskvassfisk og 251080030 Midlar til fiske, vilt og friluftsliv. Det er samla om lag kr 2,3 millionar på desse fonda. Det må gjerast ei avklaring og avgrensing knytt til bruken av midlane i høve til konsesjonsvilkåra. I utgangspunktet ser det ut til at om lag 29 % av årleg tilførsel av midlane kan nyttast til friluftsføremål. Men det må gjerast ei avklaring av den konkrete bruken.

Konklusjon

Det vert tilrådd løyvd kr 300 000 til mellombels finansiering/forskottering av påløpte kostnader til legging av stein til dagsturhytta utført av Stibbyggjaren AS. Løyvinga finansierast med bruk av avsette midlar til fond frå årlege betalingar frå Eviny til fiske, vilt og friluftsliv, innbetalt på grunnlag av konsesjonsvilkåra knytt til vasskraftutbygging. Dette er midlar på balansekonto 251080002 Fond for ferskvassfisk og 251080030 Midlar til fiske, vilt og friluftsliv. Endeleg finansiering vert å komme tilbake til når aktuelle tilskot er avklart.

Kommunestyret - 040/2023

KS - behandling:

Kommunestyret vurderte Siren Bruvik Øvre Helland som inhabil i saka, grunna hennar stilling som kulturkonsulent.

Kommunestyret vurderte Ole Kristian Øvre Helland som habil i saka.

Rådmann orienterte om bakgrunn for saka og behov for å forskottering av midlar i påvente av svar på søknader om midlar til dette arbeidet. Kostnadsramma er på om lag kr 500 000,-. Dette vil medføre noko risiko for å ta på seg kostnader dersom ein ikkje får innvilga midlar til dette.

Drøfting i kommunestyret:

Spørsmål om fondsmidlane og rammene for bruk; noko er øyremerka.

Kommunestyret ønskjer å bli orientert om rammer for bruk av fondsmidlane til fiske, vilt og friluftsliv. Samrøystes vedteke

KS - vedtak:

Det vert løyvd kr 300 000 til forskottering av utgifter til trinn 1 i prosjektet «Turveg til Olav Nygard Bu», finansiert med bruk av fondskonto 251080002/251080030. Midlane tilbakeførast ved mottak av eksterne tilskotsmidlar.